



26. september 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

1. 2022-mi Air Greenland nunatta iluani qasseriarluni timmisartuussinissanik unitsitsinnarsimava?
  - a. Qassit silamik peqquteqarpat?
  - b. Qassit kingoraartissanik amigaateqarnermik peqquteqarpat?
    - i. Qassit teknikkimut tunngasunik allanik peqquteqarpat?
  - c. Qassit sulisussaaleqinermik peqquteqarpat?
  - d. Uani taaneqartut saniatigut suut peqqutaasimappat? (Akissummi tassani allanik peqquteqartut suuneri paaserusunnarpoq)
2. Ingerlaarfiit suut pingaartumik timmisartuussinngitsoorfiusarpat? (Skemanngorlugu takorusuppara ingerlaarfinni suni timmisatuussinngitsoornerit qassit, pisariitsumik assersuutissaqarniassagama)
3. 2022-mi Air Greenland Nunatta avataanut angalanermini qasseriarluni timmisartuussinngitsoorsimava?
  - a. Qassit silamik peqquteqarpat?
  - b. Qassit kingoraartissanik amigaateqarnermik peqquteqarpat?
    - i. Qassit teknikkimut tunngasunik allanik peqquteqarpat?
  - c. Qassit sulisussaaleqinermik peqquteqarpat?
  - d. Uani taaneqartut saniatigut suut peqqutaasimappat? (Akissummi tassani allanik peqquteqartut suuneri paaserusunnarpoq)
4. Timmisartuussinngitsoortarnerit ikilisarniarlugit Air Greenland sunik suliniuteqarsimava?
5. 2022-mi ilaasut qassit aallanngittoortinneqarsimappat:
  - a. Akunnerit 24-vit angullugit?
  - b. Akunnerit 24-viniit sapaatip akunneranut?
  - c. Sapaatit akunneri 1-2?
  - d. Sapaatit akunneri 2-3?
  - e. Sapaatit akunneri 3-4?
  - f. Sapaatit akunneri sisamat sinnerlugit?
6. Nalackersuisut eqqartorneqartumut allanik soqutiginaatilinnik paasissutissiinnaava?

(Inatsisartunut ilaasortaq Nivi Olsen, Demokraatit)

**Tunngavilersuut**



**DEMOKRAATIT**  
DEMOKRATERNE

Tamaat isigalugu nunarsuarmi 2022-mi timmisartuussinerit paatsiveerunnersuarmiissimapput, oqaluttuallu timmisartuussinngitsoornernit, utaqqisitsinerit ilisimatitsinngitsoornerillu tusagassiuutititigut annertusimaqalutik.

Aamma nunatsinni Air Greenland unammilligassaqaarsimavoq. Ukuninnga apeqquteqaateqarninni erseqqissiterusuppara, timmisartuussinngitsoornerit kinguaattoornerillu ikigisassaangitsut sunik peqquteqaarsimansut.

Apeqquteqaatima ullut suliffiusut qulit iluanni akineqarnissaat qilanaaraara.